



BOSNA I HERCEGOVINA
FEDERACIJA BOSNE I HERCEGOVINE

GRAD ZENICA

Služba za ekologiju, komunalne i inspeksijske poslove

Na osnovu Budžeta Grada Zenice za 2018. godinu, Statuta Grada Zenice (Službene novine Grada Zenica, broj 5/15), Pravilnika o tehničkim zahtjevima za toplotnu zaštitu objekata i racionalnu upotrebu energije (Službene novine FBiH, broj: 49/09) Grad Zenica putem Službe za ekologiju, komunalne i inspeksijske poslove raspisuje:

JAVNI POZIV

**za sufinansiranje projekata utopljanja stambenih objekata kolektivnog stanovanja-
stambenih zgrada**

Pozivaju se etažni vlasnici stambenih jedinica u stambenim objektima kolektivnog stanovanja (u daljem tekstu: zgrada) sa područja Grada Zenica da iskažu interes za sufinansiranje projekata sanacije zajedničkih dijelova zgrade. Mjere se sastoje od ugradnje termo-izolacione fasade minimalne debljine 10 cm.

Cilj Javnog poziva je pružanje pomoći građanima u poboljšanju energetske efikasnosti zgrada zajedničkog stanovanja, što će doprinijeti ljepšem izgledu grada, manjoj potrošnji energenata, kao i manjoj emisiji štetnih plinova i poboljšanju kvaliteta zraka.

I) PREDMET JAVNOG POZIVA

Predmet javnog poziva je dodjela finansijskih sredstava namijenjenih sufinansiranju izrade termo-izolacione fasade za objekte kolektivnog stanovanja.

II) PRAVO UČEŠĆA

Učešće u ovom Javnom pozivu je otvoreno na jednakim osnovama za sve etažne vlasnike stambenih jedinica u zgradama na području Grada Zenica koje zastupaju ovlaštene upravitelji ili predstavnici etažnih vlasnika zgrade (predsjednici kućnih savjeta).

Svi zainteresirani za prijavu na Javni poziv detaljnije informacije o uslovima za apliciranje mogu pronaći u smjernicama za podnositelje prijave projekta u okviru javnog poziva. Etažni vlasnici se na Javni poziv prijavljuju putem ovlaštenih upravitelja ili odabranih predstavnika etažnih vlasnika.

III) OBAVEZNA DOKUMENTACIJA:

1. Popunjen obrazac za prijavu,
2. Certifikat o registraciji za obavljanje djelatnosti održavanja zgrade (u slučaju upravitelja),
3. Ugovor o održavanju sklopljen sa etažnim vlasnicima (u slučaju upravitelja),
4. Izjava o učešću u projektu sa potpisima svih etažnih vlasnika/stanara zgrade i odabranog predstavnika etažnih vlasnika (ukoliko zgrada nema upravitelja),
5. Predmjer i predračun radova sa naznačenim iznosom traženih sredstava za sufinansiranje od strane Grada Zenica (sufinansiranje Grada do 50% na ukupne radove, a u skladu sa raspoloživim sredstvima), izrađen od strane certificirane projektne firme.

Obrazac za prijavu na Javni poziv može se preuzeti od 25.04.2018. godine lično, na protokolu Gradske uprave Grada Zenica, Trg BiH 6, 72000 Zenica svakim radnim danom u periodu 07:30 – 16:00 sati ili na službenoj web stranici Grada, www.zenica.ba.

Pitanja u vezi sa javnim pozivom mogu se dostaviti na e-mail: jasmin.cabaravdic@zenica.ba, sa naznakom za Javni poziv za projekt energetske efikasnosti. Pitanja se mogu postaviti do 11.05.2018. godine. Odgovori na upite bit će dostavljeni u pisanoj ili elektronskoj formi unutar 3 radna dana od primitka upita.

IV) PROVOĐENJE POSTUPKA PO JAVNOM POZIVU

Postupak po Javnom pozivu provest će komisija koju će imenovati Gradonačelnik. Gradska komisija izvršit će vrednovanje i rangiranje pristiglih prijava. Grad Zenica će sa odabranim kandidatom putem upravitelja (ili predstanika etažnih vlasnika) zaključiti ugovor o sufinansiranju kojim će se regulisati međusobna prava i obaveze.

V) VREDNOVANJE PRISTIGLIH PRIJAVA

Po uredno prispjelom Zahtjevu, ocjenu i mišljenje dati će Komisija Grada Zenice, poštujući hronologiju prijema na Protokolu Grada Zenice.

Projekti će se ocjenjivati prema sljedećim kriterijima:

- Starost zgrade (maksimalno 30 bodova),
- Iznos učešća stanara u sufinansiranju projekta (maksimalno 40 bodova),
- Većina zamijenjene stolarije na fasadnim otvorima (20 bodova),
- Krovna konstrukcija i pokrivač u funkcionalnom stanju (10 bodova).

U slučaju da Komisija ocijeni da nisu ispunjeni svi uslovi za odobravanje finansijskih sredstava, zahtjev se odbija.

Na osnovu Izvještaja o pozitivnoj ocjeni i mišljenju Komisije, Gradonačelnik će donijeti Odluku o odobravanju sredstava namijenjenih finansiranju troškova, za svaki zahtjev pojedinačno, a prema rang listi u skladu sa raspoloživim sredstvima.

VI) ROK ZA PODNOŠENJE PRIJAVA

Rok za podnošenje prijava na javni poziv je 23 dana od dana objavljivanja na web stranici Grada Zenica i oglasnoj ploči Grada Zenica, odnosno u razmatranje će se uzeti samo zahtjevi koji budu zaprimljeni na protokolu Grada Zenica najkasnije do 18.05.2018. godine do 16 sati.

Prijave se dostavljaju u zatvorenoj koverti sa naznakom:

Prijava na Javni poziv za odabir korisnika Projekta „Sufinansiranje projekata utopljanja stambenih objekata kolektivnog stanovanja na području Grada Zenice“ - NE OTVARAJ

Prijave se dostavljaju na adresu: **Grad Zenica, Trg BiH 6, 72 000 Zenica**, a mogu se podnijeti i neposredno predajom zatvorene koverta ovlaštenom službeniku za prijem podnesaka (protokol).

Priloženi dokumenti moraju biti originali ili ovjerene kopije ne starije od 6 mjeseci. Tekst Javnog poziva svi zainteresirani mogu preuzeti na web stranici Grada Zenica www.zenica.ba.

Nepotpune i neblagovremene prijave se neće uzeti u razmatranje.

Sve dodatne informacije mogu se dobiti na broj telefona 032/447-721 ili u kancelariji broj 515. Lista odabranih korisnika će biti objavljena na oglasnoj ploči i zvaničnoj stranici Grada Zenica.

Gradonačelnik


Fuad Kasumović

